

1228 21/3

Rome

Province of Hungaria

*Pope Gregory IX enjoins and authorizes the priors of the Order of Preachers in the province of Hungaria to send out friars to convert the Cumans, and hereby to assist Archbishop Robert of Esztergom and Fr Theodericus of their own order, who has been appointed bishop of Cumania.*

Source: Transcript. Vatican Archives, Rome.

Cum venerabili fratri nostro ... Strigoniensi archiepiscopo, apostolice sedis legato, juxta suum desiderium dominus fructum dederit, conversionem videlicet non parve multitudinis Cumanorum; et in partibus illis idem archiepiscopus venerabilem fratrem nostrum Theodericum de ordino tuo per Christi gratiam in episcopum jam prefecerit: tu et fratres ordinis tui, qui ex ordine ipso tenemini salutem querere animarum, parati esse debetis toto mentis affectu in partem sollicitudinis huius accedere, ac collaborando archiepiscopo et episcopo supradictis tam pium et sanctum negotium promovere. Quare devotioni tue per apostolica scripta mandamus, quatenus in mittendis ad Cumanos fratribus, qui magis idonei videbuntur secundum conscientiam eiusdem archiepiscopi, nec non et ipsius episcopi, qui cum fere per quinquennium prior fuerit eiusdem ordinis in Ungaria, magis utiles plene novit, et eorum, qui se ad hoc offerunt, voluntati te non difficilem, sed facilem debeas exhibere; maxime cum ad hunc laborem, sicut accepimus, plures pro Christo se offerant ex fratribus supradictis. Datum Laterani, ·ii· kalendas aprilis, pontificatus nostri anno secundo.

Published: *Vetera Monumenta Historica Hungariam* vol. I no. 155.

[ExDOP mainpage](#)

[Centre for Dominican Studies of Dacia](#)